



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 9. An licet in gravi vel extremâ necessitate aliena surripere?

**urn:nbn:de:hbz:466:1-40993**

nes concurrant, rarissimè licita esse potest compensatio occulta. Quamvis autem sit illicita non tamen obligat ad restitutionem, nisi quando injustè illatum est damnum alteri.

**Q. 9.** *An licet in gravi, vel extrema necessitate aliena surripere.*

*Resp. I.* Non licet in gravi, &c. vide pag. 356.

*Resp. II.* In extrema necessitate licet accipere rem alienam necessariam ad vitæ suæ, vel suorum cōservationem. *Est commun.* quia in extrema necessitate omnia sunt cōmunita saltem quoad usum: nam quisque habet jus naturale, & obligationem conservandi vitam suam, ac suorum per media ordinaria ad hoc ex se ordinata, & à Deo auctore naturæ omnibus concessa; qualia sunt bona externa, quorum proinde divisio, & proprietas fieri non potuit nisi servato aliis jure utendi illis in extrema necessitate.

In tali necessitate *Etiam potest aliquis occulit rem alienam accipere, ut subveniat proximo sic indigenti.* Ait S. Thom. 2. 2. q. 66. a. 7. ad 3. si nempe ex propriis bonis nequeat illi subvenire, tunc enim surripiens est veluti instrumentum indigentis. Deinde cùm quisque teneatur diligere proximum sicut seipsum, potest & debet ei subvenire eo modo, quo sibi licite posset, & vellet opitulari in eadem necessitate. Neutrū tamen licet i. Si Dominus rei fit, forsē in pari necessitate. *Ita omnes.* Nam i-

pari causa melior est conditio possidentis. Reg.  
Jur. 2. Si probabilis spes sit, posse te con-  
venienti modo petendo obtainere id, quo in-  
diges: quia cum propria per donationem ha-  
bere potes, sine necessitate alienum surriperes.  
Putat tamen Lessius in hoc casu peccare solùm  
venialiter non petendo; eoquod non pecce-  
tur quoad rem ipsam, sed solùm quoad mo-  
dum, & Dominus debeat esse contentus quo-  
ad substantiam. Qui autem rem alienam et-  
iam magni momenti clam in extrema necessi-  
tate surripuit, ex communiore sententia non  
tenetur restituere, quando commoda facultas  
aderit: quia omnia tunc sunt communia sim-  
pliciter, & absolutè, cum bona ad vitæ conser-  
vationem à Deo hominibus omnibus concessa  
sint. Unde S. Thom. ad 2. ait. Per talem necessi-  
tatem efficitur suum id, quod aliquis accipit ad  
sustentandam propriam vitam. Teneris tamen  
restituere id, quod mutuo accepisti, vel emisti,  
& in extrema necessitate consumpsisti: quia  
consumpsisti rem propriam acquisitam per  
contraētum: & ideo quandoles illa perit, tibi,  
qui es Dominus actu perit, non alteri, qui fuit,  
sed jam non est eius Dominus: quare obligatio,  
quam per contractum contraxisti, per super-  
venientem necessitatem fuit solùm suspensa,  
non extincta. Idem dic, si res in necessitate ac-  
cepta perduret hac transacta, ex cap. Quod 1. q.  
7. Sic qui equum alterius abstulit, ut fugā  
vitæ consulat, tenetur illum reddere, ubi ex

periculo evasit; quia indigebat solum usum equi, non eius proprietate. Item qui magnam pecuniae summam in extremâ necessitate surripuit, tenetur eam transactâ residuum restituere; quia cessante tali necessitate cessat Jus ex ea ortum, quod est solum ad vitâ necessaria. Item si non sis simpliciter, & absolutè pauper, sed habeas alibi bona, teneris restituere, quod extra patriam in extrema necessitate surripisti; quia non licet alienum surripere nisi modo, quo extrema necessitas urget. At tua necessitas non est simplex, & absoluta, ergo non potes quidquam sumere nisi sub conditione restituendi. Præterea non habes plus juris ad capiendam rem alterius, quam hic habeat obligationis eam dandi tibi: at tenetur solum eam tibi mutuare, cum non sis simpliciter pauper.

*Resp. I.* Non licet in necessitate tantum gravi alienum surripere. Prob. I. ex cap. 3. de furt. Si quis propter necessitatem famis, aut nuditatis furatus fuerit cibaria, vestem, vel pecus; pœnitentia hebdomadas tres. 2. Innoc. XI. damnavit hanc propos. permisum est furari non solum in extremâ, sed etiam in gravi necessitate. 3. Neque jure naturali, neque gentium id permittitur, cum in sola extrema necessitate bona sint communia. Imo id debuit jure naturali prohiberi, nam si liceret, pateret via innumeris furtis cum magno societatis humanæ detimento, ac perturbatione Reip. nec homines

nes satis abstinerent ab otio, inertia, vel dilapidatione bonorum.

*Resp. II. In extrema necessitate, &c. v.p. 354.*  
*Q. 10. Quandonam uxor marito, & maritus uxori injuriam infert in bonis, & tenetur ad restitutionem?*

*Resp. I. Ex communi uxor peccat contra Justitiam, & tenetur restituere viro, vel ejus hæreditibus, si aliquid de bonis dotalibus, vel communibus, vel propriis viri surripiat, aut impendat invito rationabiliter marito. Quia injuriam cum damno infert marito; nam is fons in suum commodum habet administrationem dotis, & bonorum communium, quæ scilicet conferuntur initio vel acquiruntur tempore matrimonii & proprietatem mediæ partis horum, ut constat ex jure, dominium verò omnium bonorum priorum, id est, quæ ipse ante matrimonium habebat, & quæ per contraëtum matrimonii noluit esse communia; potest tamen uxor de bonis communibus, & fructibus dotalibus accipere, quantum opus est ad suam sustentationem, ad quamcumque familiæ necessitatem, si maritus eadeneget, cum dare possit, vel ad elemosynas moderatas faciendas secundum consuetudinem piarum mulierum eiusdem conditionis, & facultatis, nisi vir sufficienes largiat, vel ad avertendum damnum familiæ, aut marii, ut fecit Abigail 1. Reg. c. 25. Item si maritus sit prodigus, potest uxor subtrahere*